



趙清獻公文集卷第三

五言排律十九首

謝賜飛白御書宴群玉殿

朝野歡和際君臣愷樂時
聖謨天地久睿藻日星垂
內閣群編啟靈函衆寶披
光華頌帝翰密勿寵官師
雨露神毫洒風雲上意綏
翱翔轉駕鳳天矯奮龍螭
侍宴聆清問啣杯拱睟儀
御香蒙領袖和氣入肝脾
言念宸恩重曾非賤士遺
天顏瞻咫尺臣職愧箴規
補闕難忘袞傾心竊比葵
養賢兼養正所願易求願

同天節

土寓歡呼日天家慶誕辰
虹光流渚異電彩透樞頻



物與薰風浹祥并協氣臻庭除交玉帛宴衍列簪紳
丹穴來儀鳳華封祝聖人小臣叨下列鼓舞頌堯仁
送韓丞相琦出鎮陝右

羌狄方懷德朝家正右文邊城輕舉動天子為憂勤
公位三朝重威名二虜聞聊煩鎮西真盡得護諸軍
賜第仍開燕傳觴命極醺陝民如望旱一雨壓塵氛

急帆

江闊北風長高帆盡幅揚勢能分巨浪力恐接危檣
鷗鷺驚頻驚迫魚龍相助忙峯巒旋岸碧木葉走汀黃
快似登仙去輕於傳羽翔一程三百里晚泊未斜陽

初入荆江

迢遞辭宸闕遷延換歲華舟初入荆渚人覺在天涯
浪激多推岸流濡足拂沙勢盤帆小使漲淺路頻差
橫艇又魚浦搖旗賣酒家山微思念越江窄止通巴
烟色汀蕪淡風光野燧斜雷歌朝競唱祠鼓暮連撾
渡口初逢柳林邊未見峯前程春始盛一一待詩誇

送昭文劉少卿移知南海

世緒傳英德時才播令名錦袖終龍慶桂籍舊非榮
仕路登優績朝闈服俊聲風猷著臺閣尚冠簪纓
墳衍方謀學冰霜未底清分憂膺閩寄便教洽輿情
會府資謀計中闈念篤誠漢庭當繼好或以去簡盟
通幣旋君節飛芻擁使旌舟車動轉漕倉庫慶豐盈

廉士祈甄用貪官愧竄驚鳳書
壓境無喧訟連疇近力耕騰
道路纖塵絕人家協氣生
更直群書府于宣百粵城
預想歌來暮前期報政成
送同年何推官

漢息須漢檢泐牒別熊川
貯文囊製錦贊畫幙依蓮
贈言驚去矣携手覺凄然
馬嘶楓葉道人醉菊花天
庭楠

彼羨庭楠植基培幾十年
萬葉光齊動雙林影共圓
飲對傳三雅琴依按七絃
勢壓陽關靜陰清几案鮮
蜀倅楊瑜邀遊罨畫池

占勝芳菲地標名罨畫池
風碎花千動烟團柳四垂
照影搖歌榭分香上酒卮
寄謝雲安知軍王端屯田

舊邦逢胸臆靈地接岷峨
雨花疑錦濯晴水甚藍投
遠地之官去孤舟走嶮拖

出麾無一事傾蓋首相過幸不愚煩外欣承議論多
春光千騎駿天色百城和賞物樓新構鐫文石旋磨
為時即慷慨得友盛吟哦世重黃金諾人傳白雪歌
投壺傾立馬飛鏑屢鳴鼉局戰逢敵玉杯歡亂酌螺
坐來風入袂歸去月流波我愧才疎拙生微術揣摩
至容勤勞來行色覺蹉跎匪用詩為好離懷可奈何

江上遇雪

凍雲交四隅飛雪滿江湖急勢團風轉閑容到水無
並遊漁喜唱失侶鴈驚呼客棹沙灣泊村醪甕裡酌
去程方數蜀歸思正遙吳得句同弟余懷幸不孤

登望闕臺

江外三千里城頭百尺臺都監實關星斗切瑤魁
風闕春襟快雲披曉日開山川增氣象欄檻出塵埃
天際橫歸鴈林梢露正梳喜逢冠蓋客半是日邊來

次韻何若谷別後見寄

言念分符日來逢別乘賢癯瘵求俗去風教為民宣
吏獄都無擾農疇屬育年歡宴后射的清不廢鳴絃
避暑尋蕭寺遊春醉一回解文楸坐帷幄詩敵肆戈鉞
邂逅窮江地淒涼落葉天代還公去矣佇立我依然
久契誠彌固雖憂不轉蠲高臺倚章貢時一語佳篇
成大卿它矮榭

手植喻三紀年隨矮榭增枝盤多蟻屈根轉欲虬騰

密覆周遭地孤撐最上層風條低偃蹇烟葉碎
顧我來雖羨如公退未能溪園饒樂事時此會佳朋
遊青城山

三十六峯峻維岷在蜀竒方行刺史部重款丈人祠
凍雪諸峯隔晴雲六面披訪山窮寶洞山有寶洞五洞
之勢見胡豐碑泉落寒崖鍾真靈鍾真靈古木垂良工古花
筆請坊壁名西老叟琢新詩峭嶺集示陟險齊雙履
逢幽鼓七絲盤桓不忍去還作更來期

喜雨

炎官施酷今曦馭肆炎威冠雲詩嘗刺巫焚禮舊譏
神將明德應人用至誠祈庶幸真天與先期不汝違

四郊雲霧散三日雨霽色已清田園喜聲無里巷款
終圖實舍廩已足賤珠璣彼民咨者息斯帝力歸

引年自喜

乾坤報不得犬馬戀無終請有再四瀆生逾七十年
雲山充素志霜雪滿華巔遠矣日邊地歸歟春暮天
灘長鋤高客棋久爛柯仙去樂林泉下何勞一指禪
次韻程給事會稽懷古即事

東南抗與越形勢夾長川地古一方秀天生萬象全
兩城俱卓爾列郡豈加焉異世稱無間同時較有偏
厥氏如貴簡彼國實居先大海收淮瀆群山冠幅員
古人蹤跡見遊客日先穿况自醇風俗從來省朴鞭

有年人既庶樂教志彌堅每得前朝事嘗由衆口傳
土疆歸闕下州宇闢湖邊未苦秦來幸先經霸擅權
有賢思避世擇地効高眠盤屈稽山勢嵯峨玉笥巔
茂林侵碧漢脩竹掛青烟東浙潮聲近西陵草色鮮
四明登陸顯五泄夾溪泓漁浦從舟楫仙居遠市塵
山青難入畫花灼正如燃石傘陰遮徑松潭韻寫絃
十峯雲鬢雙澗水潺湲靈迹曾遊處清風可坐延
龜浮山出浪龍去井迷年泉湧尋源出蘿繫附木纏
屏危開石上星摘射巖前仙髻傳今古峯形露醜妍
法華初賜彌釋子已超禪一感因人異群言可理詮
遍隨高下賞潛解利名牽民室常盈日城闕異及肩

通幽雲底路朝接洞中天必有千年隱都忘萬事煎
嚴園烟水亂樊榭柳花顛聖閣迎仙母湖樓望綵船
越臺凌縹緲溪女闔嬋娟野景誠無限遊人豈獨專
清虛宮刹古恍惚歲時遷寶相靈猶驗雲門瑞復還
塵埃籠古壁章句列前賢醮禮因勤甚龍宮尚儼然
魚池乖本意僧侶觸輕漣鑿石成金像營庵對玉蓮
瑰竒天柱室瀟灑寶林篇歷歷森豪俊昭昭著簡編
蘭亭真翰筆桃谷舊神仙想像入堪慕淒涼物足憐
公卿誇道路父子道林泉廢宅仙宮立還鄉世事捐
嗟時徒役役味道益乾乾種墓藏山穴叢祠闕水壩
方千栖逸地祖貫起英躋相隱今遺跡侯封昔見壇

錦衣慚我得車帳為民褰臣力難堪矣君仁未舍旃
挺身徒盡瘁報德之微涓所向知師古千時悞學圓
環衛中切冒條教外須宣每慕黃君穎曾卑隗相燕
有為懷黽勉無術可收歟得請緝邦便躬祠祖壠虔
耕桑初勸諭飢疫偶成連賑發無深惠疲勞獲少痊
闔封方富稔載路息迤邐近幸同年代前符昔日緣
一麾來鎮撫千騎為盤旋弊政因民革煩文到日蠲
息隨和氣淡令比置郵適美譽皆騰實清香已勝羶
善良陶靜化姦猾洗前愆更畏輸心鑒民深入善淵
課書人第一軺召里逾千身起侯藩政班趙秘殿聯
謀猷先帝座議論溢經筵道合風雲會功高玉石鐫

正宜禪日月未可問園田士論逾時望人心曷自湔
聲名加顯顯歌頌轉翻翻預喜明賢遇須知直道便
中宸深有著外補實難銓行為山陰老聊收一大錢

次韻程給事同孫覺學士楊憲景畧天衣謁禹

廟夜歸

梵宇近靈祠借遊薄晚歸雲霧通日影風景作霜威
博約詩情健盤桓酒力微旌麾分頡頏戈戟聳光輝
左右車帷徹周連燭炬圍湖流平杳杳泉泓濺霏霏
却念觀珪劍禹仍欣賞鉢衣天廟樓臨浩渺寺閣倚
峩巍燈火還城市烟波遠石磯鼓鍾初警動騶馭始
分飛勝槩同時遇賢朋共樂稀佳章蒙寄貺隣愧得

仁依

次韻 齋喜趙少師槩遊杭

維嶽生台輔在時正典刑我嘗同政府公早謝明廷
官貴齊三少身閑越八齡所難唯壽筭豈易是康寧
求舊心猶壯尋幽足未停宋都俄暫別吳語喜重聽
宗契逾厚交情久可銘摘辭工詠物吐屑妙談經
嵐色迎紅旆湖光動綠舲游名多寫壁燕席旋張屏
忽遇瀛洲客新辭使者星承恩來玉陛滌事傍沙汀
厭賞塵中景思登野外亭愛忘嘉意重溢羨雅章形
叙遠才超絕搜奇思杳冥道山寧久去歸路入雲青
五言絕句

林麓山十詠

真身湖 湖上有真身寺因以名

曉光澄水月秋影顛風幡宛是真如地荷苓護翠軒

升中古栢

雪坐更霜摧寒心未易回庭前皆古意何必問西來

書院

雨久藏書蠹風高老屋斜鄰居盡金碧一一梵王家

四絕堂

千燈傳靜刹四絕誦虛堂已是金銀界仍為翰墨場

洞真觀

木老巖凋冷泉飛月殿寒樾真無一事清嘯倚欄干

抱黃洞

靈洞古壇基烟蘿接翠微日西春又晚不見羽人歸

嶽麓寺

古木與雲齊門前有文梯我來煩想滌疑是過靈溪

白鶴泉

靈派本無原因禽漱玉泉自非流異稟誰識洞中僊

法華堂

峯頂已崔嵬因高更築臺夜分僧定起咫尺見雲雷

拜嶽石

片石倚中天雲深鳥道間人多祝堯壽登此拜南山

過雲安軍下嶽僧舍

山寺倚巖阿雲扉掩薜蘿老僧中燕息誰問世風波

橫溪洞飛泉

寒瀑落春巖天垂百丈緜更疑仙客宴不捲水晶簾

和范御史過陳州

灣盡疑無路堤回或見橋久至仍冰後物物稱蕭條

題魚關

奔流出萬山亂石鎖孱顏彼羅龍門者何嘗懼此關

男岷生日

重九登高節陽秋稟氣和家家懽會日祺壽所宜多

次韻吳天常

塵事不留毫誰云夢寐勞因思四老會今復數年高

戊午歲余逸林平少卿同行胡上
時君與吳著作作此知詩體四老云

書日琴壇

制動必原靜治入先正心風乎畫壇上退食鳴琴

和范御史石倉晚泊

天迥旅懷闊風長野叫來日暮江上動如十人
連續長歌入謂之野叫滄波清可

愛先為濯京埃

學見林寺

古寺無碑刻僧云不記年自餘矣所問惟是愛林泉

七言律詩一百首

禁籞見牡丹仍蒙恩賜

凌文春殿窳天閑內籞千葩放牡丹風捲異香來

帝曰披瀝艷出欄干芳菲喜向禁中見憔悴憶曾江

外看剪賜後臣君意重數枝和露入金盤

次韻三司蔡襄蘆鴈獐猿二首

肖宇屏圖括匠成寫傳蘆鴈筆尤精斜依風帶叢叢

裊遠颺烟波渺渺平弋者定嗟何所慕鵬搏莫怪不

能鳴公看羽翼飛騰處有意青雲萬里程

獐狎猿馴遂性情恍然疑不是丹青豈憂夜獵林中

去只欠秋吟月下聽舉目便同臨澗谷此身全恐寄

郊坳山容野態窮微妙造化爭功六幅屏

憶信安五弟附

膺殘鷄武洲邊過憶汝東吳住舊蘆誦聖窮愁千卷

外不允官留滯十年餘也知失意能平氣底事多時不
寄書言兄在松溪我荆楚別懷三處一歎歎

飲酒

江頭落葉窮冬日天末崎嶇薄宦身休問世途千態
巧且貪杯酒十分醇顏間戚戚成何事醉裏熙熙即
是真梅雪半殘烟柳吐一番消息又青春

和十二弟楊鵬月立春

二十四日立春節六七千里孤舟行呼兒倒酒迎春
醉忽爾持詩祝我賡海上去年賓燕樂江頭今歲客
心清此符極目尋春色岸柳汀蕪綠未成

除夜泊臨江縣言懷

縣封蕭索楚江澄旅况吟懷冷似冰漏促已交新歲
鼓酒闌猶剪鬢宵燈立身後道思無愧得路由機患
不能未報君恩踰四十青春還是一番增

泊巴陵聞曉角

五更鐘後斗沉杓画角三番塞角調青草湖平無俗
籟岳陽樓迥有寒颯酒腸喚醒維舟靜夢眼驚回去
國遙我愛清餘起傾耳欲吟情思已飄飄

憶輦下寄同年楊子卿

一思平日禁城春直上青霄步步雲在月香名欣共
得揆天紅藻愧相聞滿頭競插卷千柄沒按維辭酒
十分蓮水今為從事樂伊予無復嘆離群

送交代揚推官

三載後軍績用成代還京闕黯離情亭長且作班荆
飲江迥愁聞唱棹聲前席去當回帝問初筵今已彌
賓榮交承豈袞宜敦好莫惜殷勤重報瓊

早霧

山光全暝水光浮數里霏霏曉未收露彩乍凝迷漢
殿日華不透掩秦樓豈饒文豹遲留隱應有靈蛇取
次遊聖世妖氛已銷盡結成佳氣滿南州

寄里中親友

記得城南數刻權破歡為別淚闌干間關遠道初泐
牒寐寔長亭一據鞍郊外此時涼葉亂嶺頭平日騰

存殘不辭頓寄南州信草檄魚功楯葉乾

席上感別送桂倅

照入冰骨是真仙失臂江西僅十年子擁倅車袍着
茜我趨賓席幕依蓮今宵把酒方歡甚明日班荆又
黯然八桂到須多假日府中佳靖主公賢

和人清明有感

湖外清明物態繁曉林鶯舌闐闐在綠春意無時
盡自是人心不輟閑舊隱東君曾藉草新官南郡亦
登山滿頭花卉盈樽酒且向東風一破顏

和三兄得書喜授掌度

區區宦况遠南州長得歸鴻與寄愁已勝折腰嗟五

斗豈辭銜尾運千舟冰含白玉期無累路迫青雲愧
可求家有伯墳流韻遠勉將文藻贊宸猷

贈狄節推

唐嗣幾危國步艱梁公忠力世難攀不辭鼎鑊君臣
際為正朝廷子母間今見裔孫仍白首去從幕府衣
青衫旌賢有後十二代轉覺勲名重泰山

勸學示江原諸生

古人名教自詩書淺俗頹風好方扶口誦聖賢皆日進
士身為仁義始真儒任從客咲原野莫管時譏孟
子迂通要設施窮要樂不須隨

送何孟侯先生之平水

東書携劍出西州息舊相歡事遠遊架上昔曾集窮聖
卷幄中今好質賓籌也知賢帥須青眼應念慈闈已
白頭到日欲憑歸信杳寒鴻成陣叫清秋

題杜子美書室

直將騷雅鎮沈淫瓊貝千章照古今天地不能籠大
句鬼神無處避幽吟幾逃兵火羈危極欲厚民生意
思深茅屋一間遺像在有誰於世是知音

春日雪雷並作

東君新用少陽時正月群陰老未歸千里雪衣鋪夜
景數聲雷鼓作春威款開桃李嗟寒勒尚轉龍蛇恨
力微一挫芳菲一獲物惘然無處問天機

初入峽

峽江初過三遊洞天氣新調二月風樵戶人家隨處
見仙源雲路有時通峯巒壓岸東西碧桃李臨波上
下紅險磧惡灘各幾許晚停征棹問漁翁

過嶺回寄張景通先生示邑下同人

二年官役愧能名賢得斯人幸合并幾度孝廉交郡
辟一生文行出鄉評君廬皂水江頭遠我馬青泥嶺
頂行西首胡為書以贈欲持同邑寄諸生

下牢津

拖舟百丈苦攀躋一過牢津恍似迷蒼放亂紅迎彩
旆谷傳深響音谷鳴聲避人幽鳥凌雲噪抱子鶩猿

險啼春岫重重春水綠却疑身在武陵溪

同萬州相里殿丞遊溪西山寺

使君呼客入山行曉徑前驅照彩旌靈女背樵巖側
避野僧携刺馬頭迎千層雲水迷三峽一闕人烟認
百城樓閣憑餘清我聽竹風蕭瑟澗泉鳴

送黃賁赴渭州機宜

我愧非才敢贈言告新令幸接英躔炎威滿路千山
去和氣流民百口傳就捧絲綸天子命到參帷幄主
人賢前籌要使邊陲靜報德銘功願兩全

次韻張著作贈講禮孫秀才

文席橫經事講評輅開旌辨五河傾十年素蘊胸中

吐一日清風坐上生諸子授來疑頓釋先儒宗後業
偏精塵編古有多門學人喜公能為發明

酬楊鴻漸察判見寄

進不鷲人退不歲竭來士術惠殊鄉疎餘益信琴多
樂拙甚方雲錦重傷顧我未能精俗事感公偏遺好
詩章懷間得勝千金直莫謂無人識夜光

送崔度推官任滿還長安

三歲西州此效官幙中無事有賓歡瞻雲預喜長安
近歸騎還驕蜀道難分袂天涯逢臘盡入關時候正
春寒前途應念朋後意回首秦亭一據鞍

謔青城山

昔琴肩酒上青城雲為開收月為明觀宿有詩招主
簿絳樹廬空無分遇先生張嶠留古画仙姿活
石載奇文俗眼驚却念吾鄉山亦好十年孤負爛柯

行

次韻孫直言正旦馬上有感

蜀國從官又見春物華人事兩俱新已推才力多餘
地更賦詞章妙入神要路我甘無俗迹夷途公自有
通津逢時待用署施設未止區區庶遠民

次韻僉判俞尚都官寄兄君然中允致政

勇退如公世少儔樂天知命富春秋我幾去得寒宮
桂泛泛歸乘雪水舟舉目烟霞中有趣無心軒冕外

何求引高應咲朝閨客白首龍鍾未肯休

和淮上喜雪呈貫之

落雪紛紛甚羽毛相逢淮上繫輕舸
壓低酒力威稜健助豁詩懷氣象
豪兩岸遠山供玉障一天長水盡
雲濤歸歟喜見豐年瑞南鎮無煩帝力勞

和穎川見徐學士

臺閣官資屬二賢歲寒相見穎川邊
新醪喜泛千鍾蟻永涌鶻移數葉蓮
致主聖神躋舜禹濟時功業企
閑顛故人清會俱高論肯事狂歌學少年

次韻范師道御史

昔如李郭去登仙今復東行並客船
夾岸雲山千里

路滿襟風月九秋天持杯旋斫桐江鱸
覓句頻吟蜀

國棧君到七閩佳麗地荔枝紅發欲飄然

和見雪

驚恠窮冬百物繁落梅狂絮逐風翻
酒無戈甲爭酣戰詩似波瀾競討源
且卸帆檣限斷岸好開屏嶂畫
孤村知音若問陽春曲待把琴調細細論

新定即事

泉高終日聽潺湲
蒼草纔佳爛熳看
言念君恩得私
請敢於身計學偷安
開元刺史名千古
東漢先生釣一竿
賢迹勉尋余自愧
牧民猶戴觸邪冠

初到睦州寄毘陵范御史

前日鸚鵡接羽儀平生風誼見施為蘇亭薄暮分襟
後嚴瀨逢佳佇立時歸棹豈能忘舊里去筒猶未寄
新詩寒泉遶石山環坐一弄南風慰所思

和范都官述懷

人為閑郡我為榮僚友多歡事少生詩裏江山今共
樂籍中龍虎舊傳名逢時自可青雲致喜老休將白
髮輕垂世功名期力到上方求治急材英

勉郡學諸生

桐江為守愧顏家來喜衣冠好士風勸學重惠唐吏
部教人多謝漢文翁濟時事業期深海落筆詞章貴
不空道有未充須自立莫將榮悴汨於中

和彥全田曹身寄

自喜還家入郡閑久無書簡到京城某觀每咲機心
巧琴斷還憂曲意生厚福萬鐘身外薄冷泉千尺耳
邊清來詩詠歎陶然樂疑夢釣天奏九成

送范都官

莫惜芳樽細細斟還憂詩句滿離襟海潮風駕漫幽
渚鄉岫雲開認故林八月氣涼歸棹快三年恩厚在
人深紫宸曉拜天光近宜有封囊悟主心

和前人重九日寄

丁字溪流甚箭奔忍看行色夕陽村三吳望遠迷烟
棹九日登高泥酒樽詩得瓊瑤今有意感充懷抱更

無言歸歎一曲桐江好西北通宵欲夢魂

新定獲龜繼得梓漕携之赴官

買自桐江數歲前潔中輕外欲巢蓮同麟薦世宜為
瑞選鶴尋真定得仙肯示吉凶貽後悔祇隨呼吸到
長年主人幸不煩供養俾託輶車看兩川

過子陵故祠

帝念先生素所親殊恩終不顧絲綸圖勳耻預凌烟
像辭貴甘為擲釣人雲水孤高教適意俗風奔競使
還溥如今丘壑無遺士天子思賢踰聖神

次韻石溫之都官見贈

桐江得請上恩榮孤士漸無善可旌望闕天光猶已

遠到家春色喜正元近正否迺舊念青山隱鑑裏新逢白
髮生多謝賢明書佳句重於玕壁價連城

憶松溪二口縣尉

憶別揚州六月中倏今三已換春之烟帆去蜀七千
里雲嶺瞻閩幾萬重莫為沈迷嗟下邑要將清白廣
吾宗天遙最是書難得早倩來鴻寄一封

次韻鄭琰登睦州高峯塔

舊迹蒙君屢句誇昔同峯頂躡雲霞逢秋謁寺留詩
筆薄暮歸鞍照月華旋酌香醪浮甕蟻闔烹新茗滿
甌卷心餘更作儒官會帳內諸生擁絳紗

得守虔州過鄉邦贈別衢州太守高賦同年

俞請分符入顛川過家為幸獲於天桂宮舊有同年
契梓里今逢太守賢醒酒殷勤供去帳解囊分耀貯
離篇曉來頗覺思君夢烟水滄茫隔画船

守虔過家登高齋即事

舊里徘徊忽四旬高齋高勝足權忻當軒曉看山橫
黛負郭秋成稼覆雲酌酒屢邀朋契樂弄琴真與俗
喧分虔州莫訝遲遲去鄉便思榮荷聖君

寄永倅周敦憲虞部

君去濂溪湖外行倅藩仍喜便鄉程九疑南向參空
碧二水秋臨徹底清詩筆不閒真吏隱訟庭無事洽
民情霜鴻已到衡山轉遠結思一效寄聲

虔州即事

君息山重若為酬補郡都忘樂與憂惶恐灘長從險
絕鬱孤臺迥足觀遊顛川在昔名難治鈴閣于今幸
少休人謂闕疎予自喜遠民按堵更何求

次韻何若谷都官燈夕

千門燈燭事遨遊車馬通宵不輟休幸免烟氣遮皓
月任隨笳鼓雜鳴騶金壺漏下下丁永玉笋霞生灑
灑流帝澤遠臨人鼓腹顛川宜有太平謳

次韻徐師回殿丞捧詔亭聽琴

誌銘無譁去訪真並遊僚友若天倫庭存列宿仙壇
古堂啟先生詔墨新膝上按絃清度曲席間傾耳靜

留神冷冷不断綿綿意追想南風解愠人

寄知福州范師道龍圖

十年游霧入蘭薰本末聊同出處均五嶺昔將巴蜀

遠君曹南粵日七閩今與顛川隣後慶福雪中始見松

難改火後須知玉是真事業他時公自任致君堯舜

澤五口民

次韻何若谷寒食燕集

雨過江城絕點塵清明佳節匝千門舞香撲坐蒼新

戴歌響盤雲曲旋翻幾欲為春留日取直須同俗醉

衢樽因思老氏登臺樂若此斯民未足論

次韻錢顛喜雨

山川靈秀降豐穰千里油雲澤我疆為叩明神雲歲

旱故飄甘澤助春陽征人共解江頭纜遊女爭誇陌

上桑令丑愛民形吉色作詩先已報豐祥

次何若谷上巳遊江

袂褰追脩宴集開山川聊為霽風雷衣冠愷樂觴傳

羽旗鼓鼙吹笛弄梅回鷁穩移隨岸曲瓊禽驚避逐

波頽百城錦繡人如織咲看使君乘興來

次韻錢觀見贈入學聽講

文翁治蜀澤民深賴守無堪愧士林長育務先宰序

教講磨思見聖賢心今茲未肯孤毫善學者尤宜念

寸陰三百餘篇金石奏席間願聽得遺音

次韻何若谷寄提刑蔡挺

遠俗期年荷德豐一麾烏足滯才雄朝笈寄任非輕
外聖詔丁寧果發中却念松楸還里閭再馳牛犢儼
天聽只應未遂歸歟興江右澄清已望風

次韻楚守孫直言職方見寄

間闕未領會年豐十縣農桑盡障中雨足山川多秀
氣暑銷臺閣有清風人驚地遠還同近誰道江西不
似東琴酒筵客隨分樂敢將身計事恣恣

次韻黃東轉運董儀職方同年見寄

顛守無堪出榜中日聞將漕稱才雄感公迢遞詩筒
至謂僕將訟鈞空高會正遙千障月羈懷聊寄七絃

風何肯把酒朋從樂也待醒狂望次公

次韻黃伯度雲部見贈

念昔相逢向上方別來鶻已換星霜夢回半是烟波
阻詩寄全篇篋筭近喜歲豐無劇訟更多雨足壓
驕陽施為自顧如何爾鳥鶴奚煩問短長

聞杜植移使湖南

去歲南來幸守麾故人江上喜新眉十分勸我流雲段
酒一曲聽公白雪詞此後拙疎真有賴而今談咲香
無涯驚聞擁節重湖去憑仗西風寄所思

留題悅亭因簡何若谷都官

翠栢環庭對東間蕭疎仍是枕江干都如君子憐松

茂年為主人 諸歲寒素壁留詩多健羨 画船過里輶
盤桓公作處 因公此景予心喜 亦有高齋待掛冠公
題高齋詩

送前人過鄉還朝

景祐賢科昔共登 長沙賓佐復交承 三十里外今同
郡 二十年前舊得朋 賴水帆檣驪遠別 玉峯欄檻到
先憑 朝廷正是求材日 欲戀仙鄉笑未能公家云筇山
下有石峯亭
次韻董儀都官見贈子嘗宰海陵 理公勸
美政之後故云 嗣賢
海陵余昔嗣英僚 舊戶咨新治有條 此別風波嗟各
路 但聞名譽籍當朝 今夫郡接江瀕地 幸矣民多樂
歲 謠南國故人千里隔 舉頭雲嶺鬱巒峩

同周敦頤國博遊馬祖山

曉出東江向近郊 舍車乘棹復登高 崩頭城裏入烟
閣 馬祖岩前氣象豪 下指正聲調玉軫 放懷椎辯起
雲濤 聯鑣歸去尤清樂 數里松風得骨毛

南康公餘有作

道未中充氣未閑 聖神遭遇本寒生 廷中入愧言無
補 嶺下來欣治有名 世路計身焉用巧 古人逢物要
拈誠 後空章貢直前望 賴水秋天一樣清

次韻周敦頤國博見贈

蜀川一見無多日 朝水重來復後時 古栢根深容不
變 老桐音淡世難知 觀游解后須同樂 離合參差益

弄鬼籬有黃老樽有酒大家尋賞莫遲疑

和虔守任滿前人香林寺餞別

顧我入趙克關去煩公出餞贛江頭為逢蕭寺千山
好不惜蘭船一日留清極往來無俗論道通何處有
離憂分携豈用鷲南北水闊風高萬里秋

次韻循守陳守言職方招遊爛柯山

賢侯九日去尋山率俗無由得附攀守嘗見約是日
以事弗克同往

換世昔傳仙局久登高今喜使車還平原豐稔農
勸耕穡空虛更放閑從此爛柯光價起為留住句
人寰

按嶽眉山舟行

携琴曉出錦官城千里秋原一望平放舸急流身覺
快披雲孤嶼眼增明農田雨後畦畦綠漁笛風前曲
曲清訊嶽遠邦先滌慮郵札休戚在民情

次韻蔡旻提刑出巡將還

榜契推誠積有年天淵冲躍見魚鳶方欣友會為愚
幸又奪詩情着意緣瘦嶺棠陰留遠俗贛川舟御若
飛仙明朝預想陪高誼滿座清風盛暑天

會新都孫直言于成都

同志同年分若親幸從天與豈關人交情舊別江鄉
曉客宦今逢蜀國春酌酒強論賢否事畏塗休說利
名身鄰封却喜無多遠來往詩筒莫厭頻

題三泉縣龍洞

蜀道群山盡可名更逢佳處愈神清初疑谷口連雲
掩入見天心滿洞明惟石磷磷躡巔飛泉落落碎
瑤瓊崑巔別有神仙路又得攀躋向上行

成都西樓

多暇朱欄倚望頻遠雲開即見峨岷昔賢初盡經營
力今我獨為優幸人勝閣簾高唯掩雨老臺民樂只
登春爭如蜀國西樓好四序風光日日新

張公二月二日始遊江以集觀者韓公絳因創

樂俗亭為駐車登舟之所

長橋東畔尼朱輪匝棟雕欄錦水濱子美浮槎傳

句車崖遊棹看芳春樽罍泛泛留佳客鼓吹喧喧樂
遠人夾岸香風十餘里晚隨和氣入城闈

韓公絳寄
世安云

和交代韓公絳端明別後見寄

關山晴曉過綿州兩蜀人思多愛稠去路旌麾朝日
下駕空橋棧接雲頭初觀妙句離懷釋似酌清泉渴
恙廖孤緒搖搖更東望西樓千尺止三休

寄謝蒙州守周源屯田

念公別後固依然蜀距炎方里數千劍棧過來纒一
月詩筒傳得已三篇胸藏忠誼堅於石口吐文章湧
似泉何日解符還關去如今朝野不遺賢

運使王舉元兵部因談道惠詩次韻

初窮文字作惜緣若得嘉魚即棄筌堪笑蚊蠅驚八月豈知龜鶴壽千年無心是處非閑境有命由來不在天自古君臣悉功行不然終未到神仙

送前人還都

蜀道將輸茂績成遠人安靖歲豐盈發施彌令岷山峻除去貪林錦水清一旦賜環采日下九秋乘驛度雲程朝廷禮盛榮歸好親見吾皇講太平

蔡誼學士按部未還因寄

欲見遐陬盡樂康沈黎回即按嘉陽尋山舉履三峨峻度嶺驅車九折長塢栢正宜寒後悅驛梅多向臘前芳錦川邀樂春期近早著鞭來入醉鄉

題天彭鮑郎中南樓

彭門於蜀最無雙人悅南樓重歎降瀟瀟鳴泉漱珍玉森森佳木擁旌幢仙巖出洞清來生彭門多巖雪排巖冷透窓太守登雲日登向巴江迢迢隔吳江公

親老教奏乞便知官

贈玉局李垂應大師

坐觀山水地幽清恬淡冲虛樂性情跡混光塵宗老氏術通仙俗似君平欣逢真侶論根本恥向權門叩利名濟世金丹得傳授先生高隱在青城張先生遊乃其師也

成都轉運翠錦亭

群木依亭翠錦開主人吟燕日徘徊青幃照坐初疑

深紺障鋪簷不是裁
蟻耐對傾金竿滿鴨頭前引五
溪來勸公勿用遲留賞
早暮須賢即召迴

提刑邢夢臣度支連理荔枝

嘉陽天遠被薰風
荔子呈祥郡館中
庇本莫將慈竹較媚時
寧與瑞蓮同
並柯書聳烟光動
異幹霄空月影通
竒木幸逢真賞筆
誰誇丹實一庭紅

送蘇宋刑部赴召

有詔西來亟治裝
古今威望重癡林
不煩右蜀專蜚輓直為南臺正紀綱
易角風霜秋肅肅
鶴形環珮曉鏘鏘
忠賢得用朝廷羨
禮法匡時事業光

次韻張唐民都官道中有懷

言念離情積有年
明心金石孰為堅
殿廡未入承明直郡閣先傳大守賢
日向天涯行五馬
不妨神液溉三田
聞公比悟莊生指
於此終華已泯然

再經江原縣有作

徒命乘輅入錦川
浪沓寒霽好入明
彈琴精治俄三政
持斧重來未十年
欲去民憂同樂只敢孤朝寄獨恬然
邑城東望踟躕久
魏關天遠里數千

相運判霍交回轅

自邛之雅漸高丘
所過從容盡勝遊
白鶴山頭雲裏寺
金雞閣外雨中州
公今南渡蠲民瘼
歲已酉成輟上憂
江濱荷卷開似錦
且同歸去採蓮舟

遊青城山

山到青城峯復奇，地平孤起壓坤維。直通一徑岩峩
上俯覺千山迤邐，單為訪隱費題。古壁因觀幽境過，
荒祠白雲深處。蓬巖老醉酌松醪，滿鬢絲。

題張唐英秘校松香亭

月中新泮桂香清，歸向斯亭立美名。作賦仗前登第
好拜具堂下，到家榮曉羞蘭饋。親心樂春照藍袍，俗
眼驚躑步不宜輕。甘待青雲岐路坦，然平。

送蜀倅楊瑜東歸

倅郡優游得治民，代還東出錦官城。一州和氣三年
迹萬里寒威，十月行江外。預通鄉信喜，仗前歸拜帝。

恩榮逢今，斂用良材，日好使明堂大廈成。

送張唐英司理赴渝州

不用咨嗟愴別離，聽吾持酒祝公詞。少年得第人誰
似，繼孝於親里共推。姓字已通丞相夢，今丞相文公因
慶嘗以詩遺名才名須結聖君知。儻情要在平生允，客駟高門自有
期。

題運判霍文瞻岷閣

閣外風光滿意新，諸公同上看梁岷。蜀天六月雲如
火，夷界千峯雪似銀。巖叟近傳多得壽，羽人曾此數
登真。夫君不為神仙事，早暮孜孜澤遠民。

送張唐英太博

蜀鄉榮耀改光塵忠孝無全到古人萬乘累年聞奏
績雙親同日拜恩綸志侔鸞鵠風儀遠文同蟻蟻氣
象新聖政于今急賢者肯教留滯蜀江濱

寄酬梓路運使趙誠度支

東川使者駐前旌西念鄰邦眷舊情
窮齒峻登雲頂寺詩筒遙寄錦宮城
民間樂笑原田稔境上熙然獄
犴平聞說提封足和氣我心懽快為宗盟

次韻蔡仲偃都官南歸留別

留詩為別重依依春浪飛花晚
弄暉柯嶺嶂嵒何處所蘭橈安穩
送將歸與君志有雲泉約顧我心
無利且花浮石仙今遺跡在吾廬
江畔憶漁磯

次韻際直言書懷

四十猶霜入鬢新道光休歎守官貧
空塗漸快弄雲步寵祿方酬白首親
此日文詞誇世與時才術濟吾民
功名立去何憂晚要得相期到古人

青州勸學

學欲精勤志欲專魯明高弟美淵騫
文章行業初由已富貴榮華只自天
一簣為山先聖戒寸陰輕璧古人賢
沂公庠存親模範今日諸生為勉旃

學之勉自
王丞相

清獻公文集卷第四

七言律詩

六十一首

述懷

三十年前一布衣爛柯山下驂鳴飛夢刀蜀國青天
 上衣錦杭州白晝歸曾預機衡蒙帝矚自同葵藿向
 晨暉東齋事少愚知幸終日平嵐面翠微

平嵐亭名

夏末喜雨

靈湫祈禱酌樽壘稽首精神敢惰哉民意欲從千里
 雨天威為動一聲雷預期多稼如雲去且免飛蝗入
 境來酷暑驟祛還自喜清風朝夕上樓臺

次韻孔宗翰水磨園亭

南洋一服通機磨更引餘波遠曲池高柳碧陰無酷
暑小蓮紅老惜芳時臨流共賞休辭醉按轡重来未
可期後此邦人為勝事范公亭謝孔君詩

次韻王居卿提刑遊雲門山

十里崢嶸到忽平兀然如覺夢魂醒石通幽室心生
白迺擁寒雲步入青一水下窺疑絕線兩山前列似
開屏重城歸去仍堪喜歲稔人家戶不扃

次韻王憲中秋不見月

城歌管中秋樂薄暮樓臺六幕垂明月幸無虧損
處浮雲應有斂收時聊因表海今宵醉却起錢唐去
歲思有羨堂前如白晝練錦江面鏡鬚眉

寄餘慶講僧思辯

年光已占六十四七十歸來尚六年顧我久慚迷利
祿與師同約老林泉政為豈弟聊康俗心放逍遙自
到仙身寄東州夢南去山堂依約良菴前

次韻孔憲重九出迷未回

東望迢迢百尺臺清風待念故人來幸空訟鉅澄心
坐喜得詩筒盥手開不覺登高佳節到末期行旆幾
時回堯山雖與民同樂阻共車公把酒杯

酬孔憲將還

待月登高悉後時還較今喜近郊收再圓光彩蟾墜
漢未謝馨香菊滿籬乘暇尋山應有得

聞岳山許陪

觀海不知誰

西魏登萊州
并臨海上

感君按轡澄清外遺我瓊瑤

兩首詩

送十二弟太博揚倅潭州

我憶初遊湖外日于今三十八年間無緣再得遊潭
府有夢還應到嶽山屈指春秋驚老大滿頭霜雪豈
歸閑之官莫憚長沙遠行樂於人不媿顏

次韻孔憲蓬萊閣

山巔危構傍蓬萊水閣風長此快哉天地涵容百川
入晨昏浮動兩潮來遙思坐上遊觀遠愈覺胸中度
量開憶我去年曾望海杭州東向亦樓臺

杭州有樓

次韻王憲表海亭賞雪

開樽表海最高亭正是紛紛雪態輕比屋萬層瑤室
徧夷塗千里玉沙平因風起絮先春意與日交先後
夜清共喜雪登有佳兆結成和氣在民情

再登亭偶作

氣象三齊古得名時登表海最高亭河源一水下青
嶂人物兩城如画屏邑報有秋期俗阜守慚無術濟
民靈從來獄市并容地且向樽前任醉醒

寄酬舊交吳中復龍圖

我昔夢刀慙樂土君今叱馭信賢哉芝蘭旧友三年
别金玉新詩萬里來石室清風期俗變錦城珍宴為
民間中和有頌朝廷喜行尋春來擁詔回

酌越守孔迺之度支

君詩感別我依依言念朋懷與願違京口落帆初解

后江心登寺復分飛去年春三月公會稽子午回思二

湖風烟好來喜二齊嶽訟稀旧里未歸徒仰羨小蓬

乘上占春輝

青社有懷杭州

早暮濤声逸郡衙湖山樓閣櫂烟霞渾疑出處神仙

地不似尋常刺史家假守半年無惠愛退公連日不

道譚東州久發南歸夢却念重来未有涯

再有蜀命別王君御

蜀道山自顧松筠在蜀

老誰今霜雪鬢毛斑離家語言雲私計過關尤欣歡

帝顏叱馭重行君莫訥古人辭易不辭難

入蜀先寄青城張遠先生

踰羊青社得徘徊一日皇華下詔催蜀道五千馳駟

去秦關百二拂雲開不同參政初時入如也似尚

書兩度來張公到日先生應笑我白頭猶自走塵埃

寄題劉詔寺丞檻泉亭

泉名從古冠齊丘獨占溪心湧不休深似蜀都分海

眼勢如吳分起潮頭連宵鼓浪搖明月當暑迎風作

素秋亭上主人留我語只料塵事指浮漚

過鐵山鋪寄交代吳姑一圖

暫留山驛又晨興西望旌
直兩川兵印復交承年光
似冰境上憑詩馳遠意青

過左縣偶成

毛想舊朋三院筆簪魚對
鬢華如雪世態心情冷
寒曉入雲登

東南再守二年間

自執徒

何須問險巖入覲已滯

龍尾道出麾還過鹿頭關
忘兩鬢班歲滿乞骸何處

民共約三春樂願我都
仙棊一局爛柯山

次韻吳龍圖別後言

言念別遊二紀間離樽前

髮絲班告新劍外皆

愛道舊亭中共解頰我固

辭來蜀國公聞有命

奈關西東接吟

詩筒教往還

至成都有作二首

四十年間利祿身平生疎拙任天真
慙無治迹留青社喜奉恩華覲紫宸
去國早逢關右雪下車還入劍南春
為吟錦里風光好不倦從來作主人

西指梁岷路屈盤猶能矍鑠擬征鞍
大庭臨遣皇恩重遠俗傳聞睿詔寬
峯聳雲裡銀世界江深春動錦波瀾
遊頭老矣民知否莫作風流太守看

次韻提刑張廣民度支射中金錢

百發秋毫不少偏宜應往苑中青
錢鳴絃迅發心先正破的勞觀眼
豈穿賞勸坐添杯上桂詠歌賓許
中運古人一箭前功名豈止文章獨炳然

題江原張著作善頌堂

構堂賓族聚於斯屈指高風劍外稀七十年尊君樂
隱二千石重子榮歸溪流石上來清響岩洞簷前聳
翠微舊令尹今西處望予嘗幸其邑江源閣巷正光輝

送運判韓宗道赴關

去歲間關到蜀時聞君早作促裝期初疑傾蓋無多
日今幸分携已及暮曉棧直登雲裏路膺梅還見雪
中枝紫宸入覲後容對劍外民靈荷帝慈

送別張憲唐民

三年持節按刑章豈弟其誰不歎降才者設施功第
一使乎光彩竟無雙宣風右蜀成新法易拜秦

舊邦欲識遠人留慈意隴泉幽咽下巴江

次韻運使柴誼學士游淨衆尋梅

飛蓋城西探早梅曾園欄樹燕游滯微寒始報冬初
信清豔應留臆後開子美英詞誇雪色趙昌精筆寫
香腮此花自有天容意迎得春陽次第來

送茂守吳彥先郎中赴關

汶山為郡數逢春被詔還都歲又新惠政久通壘徼
外營懷初去蜀江濱邛崃古未兼忠孝宣室今非訪
鬼神制禦羗夷知有術上前章牘為開陳

次韻黎守毛抗屯田見寄

岷嶽還是一川雄我愧行春與俗同樂國比年豐衍

移嘉朋終日咲談中沈黎太守初成政蕃詔諸蠻悉
向風聖世唐雲流澤遠啟行無復用元戎

送左縣孫珪臧方赴關

三年遺愛被西州供帳民情豈易留險道若天春氣

近雄關如劍曉光浮禁中曾上臺倂薦近臣曾奏君

使者仍書郡課優成都曹司一去矣青雲岐路穩不

須回首越王樓

鈴兵李左藏廳賞梅

歲晏珍林發素葩樽前奇賞著詩誇驚逢臆去已三

日喜見春初第一花照水冷客酥點綴搖風香片雪

紛拏主賓莫作尋常看錦里名園只兩家成都此流

其二

次韻崇學士按簡州見寄

昔昔坤維溢使權簡池行部屬豐年盤桓却期留單

騎徒倚江亭政七絃今媿高賢傳靈藻遠聞清思湧

寒泉翠巖中街光華甚不使珠璣只媚川

鈴兵王閣使素素亭賞梅花

素華清香並酒卮主人勤意囑留詩為逢蜀國新開

日却憶江南舊賞時春密不通桃李信膈殘都放雪

霜多先公舊植亭欄外肯稱重來見本枝先司空鈞

是亭閣使後結其

答彭守範林軒雪中

白雲東向日瞻凝連按封章寫至誠八十親高思就
養二千石貴懇辭榮蘭陔得志趨吳分棠芾留陰在
蜀城腰印還鄉人子樂錦衣光動綠衣明

耐劍守王嘉錫印中

登科三十四年春五百人中驚幾人顧我虛名慚過
分得公佳句讀驚神初疑暗裏珠擲自喜懷間
王陳預卜鈴齋論仁契入關聊為駐車輪子代還後

次韻周源屯田禱雨二首

城東野老告予知四載凶荒謀盡悲遠水又成千里
酒闌天幕復寸雲垂人若箱籠望望望道路人
死期剗至至誠天若憐願留遺愛入生祠

災穢禾稼猛於燒欲問靈龜北已焦雨意幾時隨氣
協雷威何日勝氛妖漢朝使煩敷遣周室三公重
突調有禱願將明德薦芳馨何必在蘭林

答江鉞都官見招

風波岐路益馳奔踈靜嗟誰得似君樂矣夜簷西嶺
月傲然秋釣北谿雲詩章有趣為千首利祿無心顧
一分雞黍辱招來尉意俗拘何計入蘭薰

次韻江原方任太博見寄

錦城之別重吁嗟人事續紛走歲華遺我詩篇來有
意憶君竟夢去無涯秋驚蜀嶺更書近雲捲閩山故
國餘聞說政成風俗好又添和氣樂人家

次韻李元方即事

壯歲胸懷獨感時肯隨寒暑似民咨能思所益開長
卷任有閑忙不負詩趣尚已為汗俗笑聲名須共古
人期茅齋窸坐生秋思無語西風夜月知

聞嶺外寇梗

驚說炎飈烟瘴時洞壘盡起寇南雷家書萬語金雞
得遠夢千迴路不知刺史沒身專捍禦康州趙濟諫
官咄命救瘡痍起在趙林伏波死去今誰繼天筆銘
勳壓海涯

贈東川曹道人

養生非謂獨存神功行須今日日新高脫鵬搏風

已醜命不在天須力信世間多少未知人

初成都府學諸生

學初心勿動華紛須念文翁昔日勤事業直教名不
朽聲敵堪畏世無間平居鄉黨終傳道得位朝廷必
致君為語諸生期遠到天衢亨處有青雲

題府庭海樓

海樓根幹出併欄雙勢凌空劍外無長鎖荆榛嗟廟
相不禁風雨笑庭梧胡僧過識已千歲蜀守來觀只
兩株離立我我同壯士側身東望拱皇都

次韻文同學士春雪

東皇歌報豐年信亡里同雲六幕陰遇景大吟詩將
手與民偕樂使君心錦城闊暖無多積岷嶺高寒旋
覺深景是西園花木好曉來粧點作瑤林

次韻高陽吳中復待制見寄

守蜀無堪詎足論捫參天邈紫微垣歲時豐衍真為
幸汗穢空虛冀不寃素志未容龜曳尾誤息深愧鶴
乘軒嘉章益見公高誼所得長逢左右原

次韻霍交中春游樂俗亭

自憐拙政無他狀強繼前賢樂遠民軒駟四簷芳草
岸夷猶千擢綠波春岷山霽色壘氛斂新里風光氣
似新暮角未吹人未散醉歌歎歎共紛綸

次韻蘇家游學射山

錦川風俗喜特平上巳家家出郡城射圃人稱諠畫
鼓龍湫波淨照紅旌迎真昔託登天庠世傳孫伯子其
可於此東羅二命侶今聞出谷鶯勉為遠民同樂事使臺仍

是得賢明

送程給事守越州

千騎從君臨照水雙旌復我守錢塘當年已共攀壻
桂今日休辭醉羽觴行聽龔黃歌治譽好追元白痛
詩章分符况與尋常異彼此東西是故鄉公闕於杭
而予於越

皆有祖
登在焉

次韻前人寓越廨宇有懷

越郡江南盡不如樂天流語信非疎人從鎖闥中間
出宅在蓬萊向上居言念玉符分鎮日却思瓊苑拜
是初臨風又辱詩筒寄足見優游乃有餘

二用韻

一別三秋一日如望中紅葉已蕭疎曾聞春注行優
召自顧衰遲未退居在昔游後今道舊平生事契
忘初古人最重交情久堪咲當年漢耳餘

和前人有懷二首

一日褰帟令必從自慚前牝屨衰翁声回地底清梅
角認息庭中冷銛筒田契世同知管鮑新文人眼似
軻椎公閑數有瓊瑤贈又使鄉閭篤士風

如千里志還同日斷雲天未易窮勉強一麾吳國
分雍容五馬浙江東泉源自古流丹井越桂子還逢下
月宮杭盡占神仙真樂地軒裳何敢羨三公

次韻郡齋即事二首

鳳沼寵榮辭禁闥龍山安穩駐車輪東方漸喜威嚴
霽屬郡爭傳蹕令新試數歲華如過隙宜將世事拂
前塵因思四十年同榜吳越如今只兩人
田原多稼終豐日橋柳逢霜正契初鑑水烟波乘興
遠蘭舟風月助吟餘安知賀老惟脩道未必羲之祇
嗜書誰道蓬萊宮尚小玉皇香篆吏來居

次韻見寄

勇退猶慚大丈夫兩州四任若真符未容上冢重官
越不謂班條再守吳雲屋萬家誠樂地濤江一水隔
名都同年後日同歸去画作東西二老圖

次韻郡齋偶成

兩火一刀名素勝十分雙澗地長靈賞心曾為乘華
舫好手應難作画屏北海樓前千里靜南山天末四
時青蓬萊自是仙家景解後詩翁醉眼醒

武林即事寄前人二首

乞得錢塘下九天徙從青社復三川坤維十往萬餘
里吳分重來七八年鑑水坐遙懷旧治柯峯歸曉愧
前賢東州賴有微之約曾寄詩筒逾百篇

七十隨緣豈有由樂天曾不厭杭州青山未隱如千
里白首重來又九秋月窟仙人遺桂子海門神物助
潮頭自慚老守無心力坐鎮吾民靜即休

題杭州普應院偃松

老松低偃四時榮太守重來眼為青密葉動搖翔鳳
勢深根盤屈卧龍形每容狂客春携酒長庇閑僧晝
看經二百年來霜雪操肯隨群木謾凋零

次韻程給事見懷

烟水平湖千頃碧樓臺佳木四時青人瞻杳杳升天
宅客意我我望海亭已是威懷寬帝念更加豐稔慰
民靈退公莫厭音題處去鯉來鴻不替傳

有懷前人

湖平去棹漫鳴顰一別何嘗手重携
龍榜昔同科甲乙兩符今得郡東西
尋真曾憶觀丹井乘興徒思泛剡溪
聞說公堂多暇豫湖山無處不留題

登望越亭寄程給事

望越亭無一點塵迢迢東首座凝神
雨餘岫色濃如黛日出波光爛若銀
我類武陵歸去客君為蓬島上頭人
誰知老守吾鄉便得與詩翁作善隣

有懷前人

稽嶺樓臺真曠絕武林風物競豪華
兩州對望音題教一水中分會晤差
言到東海渺茫辨島嶼西陵依稀

露人家元和賡唱今猶古此樂情懷豈有涯

次韻膈月不見梅花

隔江氣候不齊時梅向杭開越上遲
春遠未通蓬島信膈深先放武林枝
嶺頭素艷後爭發笛裏孤音却後期
虛白堂前攀折看詠公詩句醉金卮

次韻樓頭聞角

龍蟄窮冬萬否開蛩吟清曉在蓬萊
五更枕上鷺鴒殘夢一曲樓頭動小梅
入牖涼颼聲咽絕滿庭斜日思徘徊
新年合我七十一柯嶺不如歸去來

次韻歲暮有感

歲月如流不用嗟盛衰前定豈曾差
自憐覽照頭渾

雪猶喜觀書日未花竺嶺兩曾逢落桂龍山三見擷
新茶春元便欲休官去誰顧杭州十萬家

次韻即事見懷

鑑水寬閑稱越國河塘繁劇是杭州蓬山君繼元承
相竹馬予慚郭細侯郡邑豐穰真可喜人家飽煖更
何憂西陵隔岸無多遠數上臨江百尺樓

歲暮偶成寄前人

宦途衰老敢辭勤只計斯民不計身眷戀青山幸素
約遲留白首未歸人舉頭舊治無三舍屈指明朝又
一春珍重東州年契厚趁潮雙鯉得書頻

戊午元日偶成

驅馳光景急如輪後見元豐歲始春七十一年欣入
手三千奏牘欲歸身江濤有信人隨老烟草無涯日
又新自是乞骸時節好不應推托為思尊

清風閣即事

庭有松蘿砌有苔退公聊此遠塵埃潮音隱隱海門
至象勢潺潺石繡來夜榻衾裯仙夢覺曉窓燈火佛
書開休官不久輕舟去喜過嚴陵舊釣臺

杭州上元觀燈二首

元夕觀燈把酒杯賓朋不倦醉中陪一輪丹桂當天
滿千頃紅蓮匝地開燈火樓臺高後下笙歌巷陌去
還來因民共作連宵樂直待東方明始回

初逢稔歲改元天，元夜從游駕兩轡。寺曲水燈多巧，怪河塘歌吹競喧繁。安排百戲無虛巷，開闢重城不鎖門。願以民心祝堯壽，衆星高拱北辰尊。

次韻程給事越州元夕觀燈

隔江燈火越王城，別有新春喜復驚。累夕思鄉還有感，三年懷旅豈忘情。歌鍾浩浩臨香陌，羅綺盈盈簇彩棚。秉燭夜遊公不倦，也知斯樂為民行。

次韻前人治西園池館因懷昔日太守蔣堂侍

即二首

越有西園作者誰，公今懷感詠歌之。千餘騎擁頻來賞，四十年間尚去思。稚耆行誥方載路，主賓高會正

乘時也。知此樂同民樂，况有得賢臺沼詩。

去年春色滌波瀾，畫舸朝遊暮可還。今歲屢聞臨曲水，隔江惟是仰高山。翻思賢守經營處，盡屬詩翁咲傲間。公勿留連當亟召，德音行被對天顏。

有懷前人

却憶東舟去若仙，津亭分袂忽經年。春風境上無多地，夜月湖中共一天。海閣坐觀濤擁鷺，山堂吟聽漏移蓮。新詩往復交清見，巨集成來已百篇。

次韻前人見寄

阻奉交朋宴賞歡，杏林春發聖師壇。詩筒把玩初歲袖，鈴閣吟哦為慙冠。不帶夢昏驚玉磬，正如沉痾得

金丹夜來月下聞韶濩並奏清音徹廣寒

寄酬前人

落筆詞華矜白雪掉尋花卉認紅雲湖山對酌春將
盡風月高吟夜款分思入神酌青玉案夢遊仙擁羽
衣裾近來章句聲名遠僻似鷄林也得聞

寄酌前人上巳日鑑湖即事三首

襍飲已經往節後画舫猶泛若耶濱未還魏闕陪仙
仗且向稽山作主人爽唱我知長引玉懶歸誰道止
思親詩鑑湖也似西湖好兩處風光一樣春

湖上初經上巳春水滄滄見碧蕪新輕舟競泛無涯
樂夾岸希逢不醉人厨醞旋筭浮蟻醖貯茶深點叶

龍珍詩筒往復余知幸垂青仁得善隣

蓬萊高興卧龍但位望兼崇似合符絃管夜声傳并
已樓臺春影蘸江湖休功即報某年政直節曾行萬
里胡真是玉皇香案吏坐看歸去賫蘿圖

次韻前人蓬萊閣即事

蓬萊窓外曉光分夢覺初驚杜宇魂但有吏供衙府
喏斷無人到訟庭喧濛濛霜霧開湖面隱隱更潮過
海門一水兩州皆重鎮越清杭劇不同論

聞致政趙少師槩入境寄獻

我公優暇若神仙八十高齡衆所賢政府昔同俄一
紀留封今別又三年及時和氣來吳國度曲薰風入

舜絃昨日清臺應密奏老人星照浙西天

上天竺寺石巖花

對植齊開古梵宮欲求精華画難工直將春占三旬
盛誰謂花無十日紅未羨山桃資客咲且陪庭栢作
家風遍尋他處都無比寶殿前頭只兩叢

次韻程給事寄獻趙少師

暮春艤艤浙西州且喜樽前兩白頭蓬閣屢傳真福
解瀉江深阻故人遊凝眸讌集踰天遠屈指光陰若
箭流賴有詩筒年驛使往還金玉共賡酬

次韻趙少師寄程給事二首

輕舟來蜀暮春時便向錢塘詠式微臨海阻臨三島

會隔江遙認五雲飛殺雞初黍初乘興慈鶴筆為

念歸一水盈盈天一色夜來十里共蟾輝

襟懷冲瀜憶江湖老我全吳契不疎北關乍遠堯日

遠南風新入舜絃初紵溪鑑水吟然殿簞筭鎗茶味

有餘越絕主人招意重卧龍山好駕安車

少師自南都見訪為詩以謝

中懷和氣極如春對酒賡歌莫厭頻半載昔同參國
論十年今長類天倫不辭命駕踰千里應念同心有
二人珍重宗盟恩意厚歲寒終始見松筠

留前人度夏方回南都

宮師彌壽降尊時特頓覺光華滿郡彙况屬炎輝初可

畏未逢秋爽莫言歸山堂酒嫩浮紅蟻石縫茶新碾
翠旂有美望湖風四面尚留揮汗雨雲衣時公在

次韻前人題六和寺壁

上方樓殿已幽深更向諸峯勝處尋金擲池魚驚俗
眼琴調山溜寫清音紅芝九本初無種翠栢千株自
有心衆羨宮師康且壽始知功德積來陰

陪前人游西湖兼簡坐客

絲管喧喧擁畫船澄瀾上下照紅蓮一樽各盡十分
酒四老共成三百年北關音書休憶念西湖風物且
留連杭民夾道焚香看白髮朱顏長壽仙

再用前韻

共泛湖光范蠡船持盃歡客倒金蓮此時朋契惟
樂何日君恩許引年照水晴知華髮改倚樓高興紫
雲連安車盛暑盤桓好况是人間一散仙

武林言懷寄程給事

咸豐公暇兩安舒吳越詩筒不使疎世契瓊瑤風誼
庶秋光懷袖氣涼初二千石重開無計七十年過退
有餘得吉便歸田隴去鄉人從咲老農如

次韻前人懷西湖之遊

昔時唐殿預英雄今駕湖山幸會逢謫宦青錢曾萬
選謂林承恩白首是三公謂詩龍山我念經年別虎榜君
曾昔日同老守七章還印綬俞音朝暮出宸衷

次韻前人見寄二首

羨公鈴閣絕纖塵，顧我何嘗德被人。
訟牘自憐無日暇，詩筒翻喜入秋新。
白頭未許還官政，紫詔頻煩慰老臣。
一去蓬萊已踰歲，夢魂長到十洲春。
立賢中外聖情均，青鎖闈中輟迹迂。
臣越水澄清無俗慮，秋風蕭瑟助吟神。
分符共治俄經歲，屈指同年尚幾人。
退鼓近來衰氣覺，敢將詩酒敵東隣。

寄新筠守毛維瞻大夫

倚廬聊見復睽乖，憶遺詩筒字字佳。
為乏瓊瑤酌雅意，故憑筆牘寫離懷。
程賒越北層雲斷，路入江南疊嶂排。
我望貽書何以報，要將風誼屬吾儕。

次韻許遵少卿見寄

頭上有霜添白髮，囊中無藥駐朱顏。
堪驚積歲加霜老，未省何時得退閑。
淵淨思臨浮石渚，喧嘩羞對武林山。
君恩早賜俞音下，即擁羗裘故里還。

答前人喜抗越二字賡唱

吳越江分兩郡齊，濤音朝夕聽風雷。
且陪故交閑賡唱，未遂先廬歸去來。
時節豐登饒鼓吹，湖山清曠競樓臺。
中秋明月期公共，萬里烟氛徹曉開。

喜吳評少卿致政

春秋七十更踰期，同甲同年世所稀。
未遂乞骸嗟我老，已輸先手羨公歸。
良朋集有湖山樂，故里思無羽

翼飛預想俞音還印日鷺濤秋色上行衣

次謝許少卿寄卧龍山茶

越芽遠寄入都時酌倡珍誇互見詩紫玉業中觀雨
脚翠峯上摘雲旗啜多思爽都忘寐吟苦更長了
不知想到明年公進用卧龍春色自遲遲

次韻程給事郡齋即事

望中吳越不為賒止隔濤江便一涯臺沼賜湖非俗
地蓬瀛標閣屬仙家僧居壁古多留句吏事庭虛只
夜衙勝絕東方無復道當年元相有詩誇

次韻前人郡齋秋暑

老為鄉郡止偷安自愧仙踪未易攀八面松陰籠

寺三秋桂子下靈山良朋寄音詩篇裏高會追誰
林間却憶會稽清曠處樵風朝暮若邪灣

觀寶林院塔偶成

寶山新塔冠山形心匠經營不日成突兀挿天三百
尺莊嚴容佛一千名下臨泉竇靈鰲喜上拂雲端過
鴈鷺入境行人十餘里指浮圖認越王城

次韻毛維瞻度支過杭見贈

吳民疫病漸攻治尋勝西湖不放稀秋後濤江添氣
勢夜深燈市闌光輝望雲翻憶青山舊上印須添白
髮歸孝悌里閭松竹茂柴扉誰復羨朱扉

送姚源道郎中赴闕

我念同僚，遽解携，贈言如古，謾成詩。二年別乘臨岐，日八月登槎，上漢時莫阻，十分斟釀，蟻不須三嘆。聽歌驪，還朝寵數，應非次，神聖方今大有為。

寄致政洵鎮郎中

分携常憶禁門東，四見光陰換歲筭。白玉堂中辭內相，青城山裏訪僊翁。當時大本從忠諫，此日長年益道風。應惜西湖猶未到，近來同賞有三公。謂鎮郎中

杭州鹿鳴宴示諸秀才

秋闈賢詔出嚴宸，郡國詳延在得人。豹變文章重君子，雀鳴歌詠集佳賓。初聞素履稱鄉閭，終起英名動縉紳。預想帝庭俱唱第，寵光榮宴杏園春。

遊元積之龍圖江

高堂登賞興無厭，况是江湖兩得兼。白傅閣前猶下視，子胥濤遠更前瞻。盤桓鼓吹風光盛，掩映烟波氣象添。太守老來難久戀，柯山朝暮歎歸潛。

次韻程給事登蓬萊閣偶成

蓬閣下臨千嶂起，戟扉前對五雲開。誇詩舊屬元之宅，叶氣今同老氏臺。月滿夜疑僊子降，風恬春喜故人來。近緣允劇懷清曠，夢裏東遊到幾回。

次前人遊鑑湖

湖治誰能繼，後塵馬佚祠。閣至今存昔大守馬，窮源上達壽開鑑湖。僊翁并引派，傍通吏部園。紅旆遍遊償，素志盡規歸。

去近黃昏別懷屈指將半况屬鄉州役夢魂

次前人越州鹿鳴宴

郡國秋闈額後展行修經治以名聞芳遠縹緲開三
島大樂誼譚徽五雲高桂折香期月窟祥星垂彩應
天文集英唱第麻衣脫得志無忘賢使君

次前人贈奉使高麗安壽密學

為嘉航海共徂南雙節勤勞帝命銜日下亟馳傳詔
使江邊遙訝過洋帆才謀銳若金曾礪德撫剛同玉
更鑿機務須賢應並用詩人莫惜詠巖巖

次前人遊梅山寺

上方金碧冠諸峯知是蓬萊第幾宮回舫去尋湖面

關危亭登望海門通梅仙舊說為真隱佛子新傳偈
祖風我憶前春曾遍覽至今來往夢魂中

郡齋成寄前人

退公真靜獨披襟尚愧前賢探道深零落交游難屈
指崇高軒冕不關心未還印綬鄉夢猶倚湖山助
老吟訟鉅虛空人事簡錢塘安得似山陰

夔乞致政詔荅未允述懷

有螺孤忠荷聖慈恩榮懃向九天辭于今蒲柳衰殘
日好是雲烟放曠時玉闕累章煩賜詔滄江兩槩嗟
歸期宵征自有高人笑漏盡鐘鳴曉未知

同毛維瞻度支遊烟霞洞

洞有烟霞寺掛牌武林奇處稱吟像出城旌騎非虛
往同里交朋喜得借鷓首西征隨浪遠馬行南過八
雲非隆魏關朝天日寒晚鳴珂上禁街

武林閱兵

吳天霜曉美寒暉金鼓喧闐大閱時帳下萬兵聽號
令軍中諸將肅威儀采侯命中連三箭蒼陣分排卓
五旗魂之韜鈴當重寄儒生初是學書詩

次韻程給事同孫覺學士楊憲景畧遊天衣寺

元是玉皇香案人等閑吟嘆即成文松廊柱節樹千
騎山遙尋真步五雲諫院高風矜共賞憲臺清論喜
同聞三賢一會誠難有歸暮休辭酒十分

游戒珠寺悼右軍故宅

因山成啟浮屠舍遺像仍留內史祠筆塚近應為塔
塚星池今已作蓮池書樓觀在人隨遠蘭渚亭存世
幾移數紙黃庭誰不重追之猶笑博載詩

次趙少師叙感歎老

稟靈南極老人星貴得三公論道名被旨入陪郊祀
禮放懷來聽海潮聲朋從自古悠長少勢利令人鄙
吝生公獨久要中外伏直將金玉比純誠

題孤山寺湖上閣

孤峯諸寺聳雲樓寺脚周環枕碧流和靖久居勤賦
詠樂天臨別歎勾留拏舟直度湖千騎佩印重來僅

十秋預約前春掛冠去湖山閣好換休休司空圖作休休亭云

次程給事題法雲寺方丈

府公清眼照孤心結構仍誇壺奧深師悟趙州庭柏境我知青嶺震雷音粟粘便是三千界草用曾為大六金一滴曹源誰可測海門騰起浪千尋

寄酌蔡仲偃都官

守蜀思無羽翼飛所思東向潞江湄山林適意君先手軒冕辭榮我後時道阻八千通遠信年迎七十是歸期故人恩意如金玉新得郵中數首詩

贈別周元忠秀才

吾里推高節行孤諸生師帳是規摹窮經不給五策

子已為千里駒輅出林泉飛兩槩且陪風月賞西湖了知富貴儻來物誰向浮雲間有無

次韻張僑慶毛維瞻得謝

里人迎候巷居稀未老先休世所奇兩頰朱顏公退速公年方六十八滿頭霜鬢我歸遲餘年已七十一優游豈顧千鍾祿收什如終一局棋飲食節調資壽祀願同山下有雷願

武林冬至日即事

况是東吳大有年晨興佳氣滿平川魯臺紀瑞光諸史漢殿稱觴慶九天鑿輅肅還裡禮畢雞竿高揭赦書傳勾萌竟達人知否占得群陽一日先

次韻張著作過李虞部舊居

美璞藏山寶在冰急賢飛詔落幽選直厲去講先儒
業斲廷空存舊隱家魏闢當時蒙雨露衡明今日鎖
雲霞鳴珂一顧知躑過山拚寒林夕照斜

贈講僧遇清

松檜成陰夾徑寒喧卑無路得相聞因嗟勢利方為
市故掩庵扉獨占山薄俗性隨紅葉變上人心與白
雲閒懇懃約我休官後凍築隣齋數往還

次韻毛維瞻白雲庄三詠

掬泉軒

好山深處靜開軒目送孤雲手弄泉
石室無金玉富濯纓家有子孫賢
初尋舊隱逢三伏已發新吟僅

竹圃間說夜分煩暑
翠涼風渾似素秋天

平溪堂

亭踰休休古退處豈如溪上構
虛堂坐邀城市真瀟灑却謂江湖
太渺茫下筆新題無俗事
著筇野服是家常臨流最有清
風快未見故人心已涼

眺望臺

治圃我依浮石灘築臺君占白雲山
三秋一日登臨外千里同風咫尺間
羣峰陰晴長黯黯溜琴朝夕自潺湲
休官誰道何曾見林下如今兩處閑

信筆示諸弟姪子孫

進欲安舒退欲恬要將高行與文兼
吾門自昔傳清

白聖世于今重孝廉孔氏性情歸利正仲舒仁義事
摩漸人生試看無聞者後爾區區歲月添

寄程汝玉秀才

鄉間推服孝廉名謝絕辭闈樂太平黃卷不忘窮古
聖白頭無倦誨諸生安車未召人為晚東甬古來世
所榮况有知音賢太守懽章三度薦遺英

次韻梁漢瑞芝

聖旦來賢野不遺如公諸子之逢特默期苑未留丹
桂喜向門前獲紫芝香已與蘭盈一室餌當何處有
三枝昔年書牖曾呈瑞報為登科衆所知予明道
寓餘慶院結課芝草生書牖上因題有靈芝如可採

仙桂不難攀之句明年春果叨科第故云

十八男峴自温倅迎于鴈蕩温守石牧之以詩

見寄次韻

自諳趨拜力惟艱柯嶺歸休遠帝宸抱甕不能師老
圃驅車猶足訪名山魚書入手殷勤後鴈字排空香
露間多荷主人期我意謝公遺跡頌躋攀

次韻台州姚舜諧見贈二首

解印全吳二載餘近來人措事何如尋真徧賞台山
後假道行觀鴈嶺初把酒幸陪登帽巾子山泛舟忻
得緩徒車別來早獲魚中素兩首新詩一紙書

過發遊台又倦勤路傍馳看兩州民也知勝處青山

舊自恨來遲白髮新
輶軒滿宮求道侶
載瞻方廣想
仁鄰貳車章句猶憐我
為是雲泉無事人

遊鴈蕩將抵温州太守石牧之

霜風雙鬢雪髮
物外尋真頓離九子舍
若非叨別
乘我車安得到靈巖
碧窺秋瀑心同洗
紅嚼山杞口
似饒多謝賢侯見
招意數貽嘉詠與珍函

自温將還衢郡題謝公樓

鴈蕩周遊遂此過
永嘉人物竟如何
三賢籍籍風流

守孫興公謝康樂一宿忽忽証道詩亦登無相禪師城脚

千家具舟楫郡裏外通江海民間出入江心雙塔壓清波
因

留子舍欣踰月歸去吾知所得多

將還三衢呈温守石郎中

尋山初為子來迎
乘興隨潮入郡城
心賞皆如逸老
願禮隆何蓋主翁情
綵舟如鼓雙雙開
金地樓臺颯
處明風物雖嘉難
久戀安車朝夕且西行

送鄭珍大夫赴建昌軍

三擁朱輪志少耐
忠懷曾不為身謀
桐江郡政居優
課柯嶺鄉評占上游
里彥昔陪公共薦
帝俞今幸我先
休分携首禱炎威
盛到日清風一變秋

次毛維瞻溪庵

退訪雲山遠世塵
結庵臺上古溪濱
園基每放爭先
手隱几能安自存
身隨鷗鷺後前如
舊物龜魚游泳不

疑人曲肱飲水真賢樂何用淋明漉酒中

又白雲庵偶題

紅塵無跡到山家留待詩人大筆誇坐石與僧談翠
竹開樽邀客醉搗衣隨釣叟孤舟遠牛載村童一
笛斜占盡神仙瀟灑地清風明月有誰遮

湖北運使學士十二弟揚生日

原上分飛羨鷓鴣今逢新渚昔離青誕辰一紀阻良
會慶席百杯新朱齡每每思樵客斧爨香長弄老
人星幸動五福康寧壽星說時看內景經

送穆舜賓承議

清修平日得無慚學子道勳行肯羨羨軒冕謹諱公如

悟林泉瀟洒我先詣曾憐遊弋雲中鶴每念纏絲重
裏蚕盡舫西歸時節好春山如黛水如藍

送十七妹嶙承事赴任貴溪

百里囂繁不易為乘時今去是錫基直令爾邑成良
俗况自吾家有天師却扇涼颺驚熱奪下車和氣覺
春熙綵衣迎養双親志此樂人間更有誰

送任浩朝散赴鄱陽景德鎮

十年留滯尚為郎樂道無愁解到腸去路溪山排古
嶂滿囊金玉貯新章休論富貴可求事况得神仙不
死古官罷錢塘好歸矣濯纓清自有滄浪

送范伯玉奉議赴關

富貴於身有重輕平生忠鯁世知名不須勇事歸田
計况有常推報國誠通籍官分帝念慶門恩賞作
親榮一帆西上瞻天去九月和風杜客程

題毛維瞻懶歸閣

溪流回合逗方池軒檻前臨面翠微然陌紅塵行不
顧白雲青嶂坐忘歸方榮即德誰能繼未老先休世
所稀我昔凌晨登閣會主翁留散見瞻輝

生日高齋曉起示謝弟妹子孫

榮途四紀庶艱難宦政天恩許賜遲曉起焚香清一
室夜來飛雪滿群山詩筒遠到披郵置壽筭交行醉
席間弟妹五人三百歲喜吾霜髮尚朱顏

題濯纓亭

靜處高齋畫杜門溪亭來往閒開樽釣臺逸老心非
傲浮石仙人跡尚存對岬烟林雙佛寺隔灘風笛一
漁村濯纓豈獨酬吾志清有滄浪示子孫

題東坡梁氏南齋

我愛齋堂用意精義方垂訓為趨庭學雕白玉期成
罷教積黃金不似經滿架簡編終為樂擁門松竹四
時青諸生有遂登榮者一月光能掩衆星

會燕溪亭示同席

新構園亭好客過塵緣都不問如何愛吟瀟洒封侯
句詠詠滄浪濯足歌莫笑杯盤常藉草且觀舟楫半

隨波子知此樂無涯否盡是天恩與幸多

哭康守趙師旦

五月炎方稜氣浮賊鋒殘忍入康州肯拋孤壘偷生
去誓御不群蠻竟死休沒世不名賢者取長年為辱古
人羞嗟嗟潛林今何恨憤血忠魂動草秋

寄慶州太守徐大夫

潛山西畔紫溪邊林下相逢豈偶然撫掌忽於雲裏
電回頭還似火中蓮黃花翠竹年年色明月清風夜
夜天誰謂故人相去遠如溪長與慎江連

真岩寺

一姓清香一解顏幾生修得到林間朝無事也夕無

事坐看山号行看山梅玉破香供宴坐松風奏曲度
禪閣靜思四海五湖客雖有黃金燕此間

八
南
文
集
卷
五



